

LAWATAN KERJA PANGLIMA ANGKATAN TENTERA DAN KETUA SETIAUSAHA KEMENTERIAN PERTAHANAN KE PANGKALAN UDARA SENDAYAN

airforce.mil.my/berita/acara-rasmi/3054-lawatan-panglima-angkatan-tentera-dan-ketua-setiausaha-kementerian-pertahanan-ke-pangkalan-udara-sendayan

SENDAYAN, 19 Feb 18 - Panglima Angkatan Tentera, YM Jen Tan Sri Raja Mohamed Affandi bin Raja Mohamed Noor dan Ketua Setiausaha Kementerian Pertahanan, YBhg Dato' Sri Abdul Rahim Mohamad Radzi telah membuat lawatan ke Pangkalan Udara Sendayan bagi meninjau perkembangan semasa pembangunan yang dijalankan di pangkalan tersebut.

Lawatan telah dimulakan dengan sesi taklimat mengenai status perkembangan pembangunan di Pangkalan Udara Sendayan.

Seterusnya para rombongan kenamaan telah meninjau di beberapa kawasan sekitar pangkalan ini termasuk bangunan Markas Pemerintahan Pendidikan & Latihan Udara (MPPLU), Bangunan Skwadron Provos, RKAT Kelas C dan F, PERNAMA serta Dewan Serbaguna.

Turut serta semasa lawatan tersebut adalah Panglima Tentera Udara, YBhg Jen Tan Sri Dato' Sri Hj. Affendi bin Buang TUDM; Timbalan Panglima Tentera Udara, YBhg Lt Jen Dato' Sri Ackbal bin Hj. Abdul Samad TUDM; Panglima Pendidikan & Latihan Udara, YBhg Lt Jen Dato' Kamalruzaman bin Mohd Othman TUDM serta pegawai-pegawai Kanan TUDM yang lain.



